

1. Морфология хакида умумий маълумот.
2. Грамматик сон категорияси.
3. Эгалик категорияси.

Хозирги ўзбек тилида бўлганидек, эски ўзбек тилида ҳам сўз туркумларининг йирик уч гурухи кайд килинади. Булар мустакил сўзлар, ёрдамчи сўзлар ва ундовлар. Лекин бу сўз туркумларининг ички категориялари узок даврлар мобайнида ўзига хос равишда тараккий этиб келди. Профессор Ш.Шукуров бу тарихий тараккийетни уч боскичга ажратади:

Биринчи боскич. Бу боскични XIV асрнинг охиригача бўлган давр ташкил этади. Бу давр эски ўзбек адабий тилининг шаклланиш арафаси бўлиб, бу давр тилида кадимги туркий тилга оид кўпгина формалар янги формалар билан параллел қўлланиб келган ҳамда ёзма ёдгорликларда диалектал ходисалар кўплаб акс этган. Шунингдек, бу давр тилида бошқа туркий тилларга оид бўлган сўз формалари ҳам истеъмолда бўлган.

Иккинчи боскич. Бу боскич XIV асрнинг охири ва XIX асрнинг 2-ярмигача бўлган даврни ўз ичига олади. Бу даврда эски ўзбек адабий тили вужудга келди ва маълум даражада адабий меъёрга эга бўлди.

Учинчи боскич. XIX асрнинг 2-ярмидан бошланади. Унинг характерли хусусиятлари адабиётда демократик окимнинг пайдо бўлиши, вақтли матбуотнинг вужудга келиши, китобларнинг нашр этилиши ва шуларнинг натижасида эса адабий тил билан халк сўзлашув тилининг якинлаша боришидир. Демак, ўзбек адабий тили халк жонли сўзлашув тили хисобига бойиб борди.

От ва унинг ички категориялари.

Маълумки, от предмет ва предметлик тушунчасини ифодалайдиган сўз туркуми бўлиб, у грамматик сон, келиши ва эгалик категорияларига эга бўлади.

Грамматик сон категорияси. Эски ўзбек тилида ҳам хозирги ўзбек тилидагидек, бирлик сон сўз негизига мувофик келади. Кўплик эса махсус грамматик кўрсаткичлар билан ифодаланади. Эски ўзбек тилида кўплик маъносини куйидаги кўшимчалар ифодалаган: -лар\л\лўр. Бу кўшимчанинг қўлланиши хозирги ўзбек тилидагидек, кенг бўлган: Ул кеннддаги кишилўр келиб турур (КР). Ташларны тамам бу тагдын элтўрлўр (БН).

Бу кўшимча эски ўзбек тилида ҳам айрим холат ва мавхум тушунчани билдирувчи отларга қўшилганда кўпликни эмас, балки кучайтириш, таъкидлаш каби маъноларни ифодалайди: Аны| душманлары кўп кайгулар тапты (ўН).Ахмад Юсуф бег ызтыраблар кылыб айтадур ким... (БН).

Шу билан бирга, бу кўшимча хурмат маъносида ҳам қўлланган: Аталары эзгү киши эрди (Таф.). Кабрлары Балхдадур (МН).

-ат\л\ўт. Маълумки, кадимги туркий тилда бу кўшимча -т вариантыда (кыйын (азоб)- кыйыт (азоблар)) қўлланиб, кўплик ва жамлик маъноларини ифодалаган. Эски ўзбек тили ёдномаларида, хусусан, «Бобирнома»да бу кўшимча –ат\л\ўт тарзида қўлланиб, худди шу маъноларни ифодалаган: Махаллат, бегўт, туманат, бўлцўт, багат.

Шуни айтиш керакки, кадимги туркий тилда оглан, эрўн сўзларида учрайдиган кўплик маъноси эски ўзбек тилида кўплик маъносида эмас, балки бирлик маъносида қўлланган: Йыгггы|ыз беглўрц огланларны (ШБ).Эрўнлўр айтурлар (Таф.).

Маълумки, хозирги ўзбек тили лексикасида араб сўзлари маълум ўрин тутди. Бу хол

эски ўзбек адабий тилида кучлироқ бўлган. Шу муносабат билан кўплик шаклида ўзлаштирилган сўзлар кўплик маъносида қўлланган: шуарā (шоирлар), улама (олимлар), салāтын (султанлар). Айрим ҳолларда бундай сўзлар бирлик маъносида ўкилиб, уларга –лар\–лўр қўшимчаси қўшилаверган: Йолда ажайыблар кўрдилўр (КР). Бурунги шуарā ва акāбирлар зайлыда мазкур болгайлар (МН).

Эгалик категорияси. Предмет ва предметлик тушунчасининг нутқдаги уч шахсдан бирига тааллуқли эканлигини билдирувчи қўшимчалар жами эгалик категориясини ташкил этади.

Эгалик қўшимчалари негизнинг тил олди ва тил орқа хусусиятига ҳамда негизда лабланган унлиларнинг катнашишига қараб, турли фонетик кўринишларда қўлланган:

-м қўшимчаси. Унли билан тугаган ҳар қандай негизга қўшила олади: атам, Ўкўм.

-ым қўшимчаси. Ундош билан тугаган тил орқа унлилари мавжуд негизларга қўшилади: Фурққкаты|дын заъфарāн узра тўкўрмен лалалар \ Лалалар эрмўски бағрымдын эррр паргалалар (Нав.).

-им қўшимчаси. Ундош билан тугаган тил олди унлилари мавжуд негизларга қўшилади: Мехрим отын хушу сабру ақлу хис йашурмады \ Мехри ламиэъ тўрт бурқаъ кейнидин пынхан эмўс.

-м қўшимчаси. Ундош билан тугаган ва тил олди унлилари катнашган негизларга қўшилади: Ул лаби унабгун кўнлмгў эккўн тухмы меҳр \ Кўнлм ичрў йашурун дурданадек унаб ара.

-ум қўшимчаси. Ундош билан тугаган тил орқа лабланган унлилар катнашган негизларга қўшилади: Болмадым умрумда бир дам хатыры хуррам билў \ Гар илиқдин келсў бир дами кечрма| гам билў.

I шахс кўплиги, II шахс бирлик ва кўплигида ҳам юкоридаги қоида ўз кучини саклайди. I шахс кўплигида эгалик қўшимчалари –мыз\ –миз, –ымыз\ –имиз, –умыз\ умиз ва –умуз\ –умуз тарзида;

II шахс кўплигида –|ыз\–|из, –ы|ыз\–и|из, –у|ыз\–у|из, –у|уз\–у|уз тарзида; III шахс бирлик ва кўплигида – сы\–си (унлилардан сўнг), –ы\–и (ундошлардан сўнг) қўшимчалари қўшилади.

Савол ва топшириклар:

1. Тарихий морфологиянинг асосий хусусиятлари нималардан иборат?
2. Кўплик маъносини ифодаловчи морфологик шаклларни сананг. Арабча кўплик шаклидаги сўзлар лугатини тузинг.
3. Эгалик қўшимчаларининг ҳозирги ўзбек тилида қўлланмайдиган вариантларига манбалардан мисол келтиринг.

Таянч тушунчалар:

Сўз туркуми – сўзларнинг лексик- грамматик хусусияти бўлиб, сўз маъноси, морфологик

категорияларга эгаллиги, синтактик вазифаси жихатдан гурухланишидир.

Грамматик категория – бир тизимдаги шакл (форма)лар жами, у одатда шакланмаган ва шакланган сўз шаклларининг зиддиятидан (оппозициясидан) хосил бўлади.